



公餘漫稿



公餘漫稿序



范文正公當盛宋時以館閣重臣  
經畧西夏其任既巨且重矣比其  
閱諸州之兵城要害之障興營田  
之利請建鄜城為軍以諸郡租稅  
輸之徙兵就食善撫馭將士恩信  
結於諸羌數十年間膂力之所經

營心思之所注措可謂殫誠盡瘁  
矣方其優游瑣闥出入侍從其所  
從游如歐陽永叔余安道尹師魯  
皆一時名卿巨儒相與究思精詣  
以餘力工為文詞故其寫情抒悃  
之篇登覽贈遺之什猶然克溢篋  
笥與古作者爭雄今讀其遺集可

知也噫嘻豈不兼才偉丈夫哉訥  
嘗為欽慕企仰之以為不復可得  
覲見乃今侍于

大司馬督府王公則可謂千載匹  
休者矣公以名進士起家比部郎  
當

先帝中葉刑清政簡一時才穎之士

如陳羽伯吳峻伯李于鱗王元美  
輩皆蔚然詞宗公與之游因得畢  
力騷雅覃心賦頌而余同年友莫  
君子良為祠部郎中訥以外吏入  
計留國門則與徵士家兄謝山  
人時侍燕私附倡詠之末云繼而  
公出守汝陽遷楚臬兵備常鎮時

倭夷倣擾南服公征討累樹奇績  
以憂歸再補秦臬為郵延兵備公  
振紀飭戎嚴毅洞霍慨然以安攘  
之烈自期而叅藩秉憲派惠于秦  
最久尋承

簡命填撫西夏西夏固文正平生之  
所經畧其地環帶虜境往歲侵軼

公餘漫稿前序  
三  
無時公脩峻防圉選練兵實蓄治  
芻餉以恩信懷將士將士罔不矢  
効死力為報丙寅冬醜虜入犯陝  
右邊無嚴郭而夏境獨得晏然於  
是

中朝荐紳咸推轂於公屹然負  
社稷之望矣丁卯冬進兵部右侍郎

總督四鎮軍事四鎮統制萬里當  
夏境以十數其任巨重視曩代兼  
倍公既蒞鎮為條教以申飭軍令  
凡二十事若審將吏之才技稽兵  
馬之調遣核邊餉之贏縮察地形  
之要害於凡內脩外攘戢奸厚下  
之道粲然畢備其所經營注措考

公餘漫稿前序 四  
之文正事無纖巨若出一軌于時  
虜犯北部

詔下諸邊督撫陳防禦之策公復上  
十八事悉軍國大計非常情億見  
所幾及

朝議盡可之蓋

聖明諗公忠亮故一切假以便宜不

復中制云夫以公之諳歷抱負奇  
略當

主上飛龍之會

明良胥慶較之元祐君臣厥非等倫  
方將捷呼延縛左賢迅掃漠北以  
還報

闕廷其視控制西夏綏輯諸羗大小

難易何如也。廼以草檄餘暇輯平生所著詩篇若干卷。自為西曹。以至敷歷中外。其投贈述別紀行登覽與夫憫時之歌諷喻之作。攬竒掇英。大都備具矣。公才高邁為詩不事雕綺。於冲粹沉澆之中。寓駿發激昂之氣。至其感事憂時。但若

恫瘝之在躬。讀之可以風也。逖觀公之所以經營注措。其殫誠盡瘁一倍希文。而述作之盛。復章章表著。若此。吾所謂兼才偉丈夫。豈非千載合符者哉。公蒞督府。訥方承乏于茲。尋子良杰來為按察使。集既成。公謂訥嘗侍倡詠之末。挈以



公餘漫稿前序  
六  
眎之既謀于左使栗君繡梓以傳  
而訥與子良並奉教叙諸末簡  
隆慶二年孟夏之望陝西布政司  
右布政使北海馮惟訥頓首撰

公餘漫稿序

余嘗覽近代選錄名臣百數十年

間自

肅皇帝前在晉產者若河津薛先生  
篤志理學鬱為儒宗不可尚矣迺  
有功崇

國家行業之光粹俊拔是為後來士

大夫標準則有若陽城楊公有若  
陽曲周公有若洪洞韓公有若和  
順王公有若樂平喬公余每誦厥  
遺事輒撫卷嘆息假令數公今尚  
在雖為執鞭所忻慕焉歲之前六  
七禩余董學三秦是時鑑川王公  
掌三秦憲事公蒲坂人晉產也余

於是私計即不得見前所指數公  
者今得叅佐公即使得見前所指  
數公宜不是過何其幸耶公素不  
為脂韋澆認狀入官服政不事作  
業謹持法度雖貴勢不能奪諸所  
興剔必察于利害之真見惡必去  
聞邪必戒介矣陽城之範也介者

公金...  
難於大公則又兼包并容休休然  
斷斷然人之負德能才智即若身  
有愛憐優揚之使俾成立弃小過  
不為校大矣樂平之度也大者難  
於正公則又緣本乎經術繩尺乎  
理道檢鏡所歸莫得而指紕馬正  
矣和順之轍也正者難於奇公則

又弛張有紀經緯不窮大之軍旅  
次之政刑細之應酬無不炳智而  
先幾觀變而中的奇矣陽曲之迹  
也奇者難於平公則又不作好惡  
不加矜飾心所蘊積即口所譚說  
者口所談說即身所蹈履者平矣  
洪洞之規也公所著有公餘漫稿

余叅佐時得受而卒業今公晉位  
司馬總提陝以西諸邊戎務迺秦  
左使健齋栗君奉公稿梓成示余  
余又得受而卒業公之詩大要主  
於風骨先民有言辭之待骨如體  
之樹骸情之含風猶形之包氣結  
言端直則骨成意氣駿爽則風清

故詩之正理必約歸程律剪裁浮  
冗即介之旨也必羅籠景物則興  
象淵永即大之旨也必不淫於性  
情然後無邪思即正之旨也必有  
複意之工有卓絕之巧乃妙中隱  
秀即奇之旨也必文質合倫始振  
聲淡雅即平之旨也兼是衆美自

然不媿風骨公詩有馬世之事理  
道者陋文藝為末技競事功者視  
詞翰為迂言余竊笑之余不論其  
他即論前所指數公陽城陽曲洪  
洞著作余未有所睹乃若和順樂  
平莫不品藻玄黃摛扣金玉綴思  
於格調者今猶傳布士林人相物

色即河津鉅儒盤山秋遊之作榮  
陽鞏洛之咏春日即事之歌識者  
至列諸開元大曆之上道與藝事  
功與文詞可剖判為兩途否邪公  
今功崇

國家其行業可為後來標準他日論  
名臣必有舉公與前所指數公並

稱者世有遽未能即見公面得讀  
公詩以有求似可以知公矣  
隆慶戊辰冬孟朔日如阜孫應鰲  
書

公餘漫稿目錄

卷一

五言古詩

送吳霽寰歸江南二首

中秋十九夜同紀山曹侍御省寮張弘

齋王敬所造松菴上人慈仁寺松下

對月分得露字

送李諫議赴南都四首 有序

擬古二首送王敬所寅文督學桂林

初渡淮

贈雁蕩山人歸永嘉

蓼花

有序

送橫泉雷文還衡州二首

淮海吟題號圖贈淮海孫寅文

伏日同張元洲方伯孫龍峯憲使飲太

華何公池亭觀蓮分得賞池二字

田父嘆

大河吟西夏作

寄懷壚山張學憲四首

有序

礪溪宮期周吳峯年文不至詩以識別

題北橋進履圖為潘雙渠翁壽

卷二

七言古詩

長安行送孟小溪赴秦泉

金陵客行送陳玉泉赴江泉

秋風行送劉帶川分憲榆林

寶玉篇送張玉亭錄囚淮揚

採蘭歌通濟河亭送陶同野徐近齋龍

川三友錄囚兩畿

襄陽太守行送社長盧連城出守

別離難有序

乙卯九日出師黃甫舟中讀吳峻伯湖

上寄言

劉仙歌壽徐定國

松菴行壽夢松上人

擬古行路難留別吳子實因寄王新甫

二文宗有序

長歌行送楊鍾山年丈北上

關山月送東河趙年丈擢憲東海

吳山謠

遊崆峒山行

附玄鶴行喬三石著

椿萱並秀歌壽霍中丞父八禩 有序

長安別歌送兩城靳先生考績便道歸

省

夢鶴行贈夢鶴田寅丈入賀

北風行送淮海孫寅丈晉蜀藩叅便道

歸省

賦得昆明池贈張濟川憲使還滇南

靈椿五桂歌為同門祝尊師一泉孫



翁七禊壽 有序

題方朔圖爲方伯雙渠潘翁壽

擬占北風行別夏城吳西臺元戎

太華吟壽何太華先生八禊

延山行祝鍾山楊翁壽

卷三

五言律詩

八溝寺遇北津汪一

玉泉山亭懷玉泉陳羽伯

望湖亭

登香山寺來青軒

得友人瓊州書

夏日同霽寰中江少洲四溟登毘盧閣

分韻

中元十四夜同諸友都門宴月



P5

將赴皖城再別吳峻伯

別同鄉諸同年

馮汝言昆玉偕謝茂秦山人餞予慈仁寺分韻識別得城字

衛河泛舟

漳泉荅陳抑亭年丈憂旱之作

孟津懷古

洛陽道中

次真陽遇

聖節即老親壽日有感二

首

鄭城懷舊有序

秋日宿友人鄰山書屋

聽雨

夏夜飲山陰王邸第賦登樓見晚山得

登字

行山追中期伯錫張大史不至寄懷二

首

次大行寄謝海庄周侍御

過大行寄懷孟小溪藩叅時君自蜀藩

在告

望高平十寄懷往川趙諫議

入關吉音雨

初度迴迴蓬萊宮故址觀仙人秘刻旋登  
老子說經臺識感

將至邠川途中喜雨

山行日雨即事

秋葵有序

秋日延川曉發

已未九日邀董嘉嶺中丞蕭南峯總戎  
登延州嘉嶺臺

至日馮汝言藩叅期會原州尋報羈秦  
州不赴詩以見懷

再過涇川期栢泉胡大叅不遇晨發安  
定驛望回山宮即事見懷

原州識感有序  
初謁黃帝橋陵

清明雨中書懷

北郡城樓再別槐溪王鄉丈還西夏

弔姜女祠有序

庚申初度北郡城樓賦謝王槐溪李乾

齋二鄉丈

春日同李藩叅來登靈武臺

初度示二子 暮春靈武見杏花

庚申九日再邀董中丞蕭總戎登嘉嶺

雨不克赴時驕虜內侵早霜殞禾詩

以識感

庚申午日再寓北地憂旱

送孟東洲寅丈入賀

華亭山行遇雨見六盤積雪關山晚照

即事

磻溪雷雨

岐山懷古

丁卯中秋侍軍門霍翁長城關對月

鐵柱泉曉發見塞東日出

七日抵塞

莫子良馮汝言轉官江浙別予原州相

期訪吳峻伯於天目識別寄懷四首

別子良

別汝言

君守蒲多遺愛既巡關西典紳  
關得士稱最賦並及之

寄懷峻伯二首時君謝撫貴陽歸臥天

九日前雪

秋杪念六日再雪

雪山曉行

迴軍原署仲兒夜話寄懷長兒家居

五言排律

秋日諸公再弔河中書院故址識感十

韻

中秋十七夜再渡橫城

卷四

七言律詩

宿碧雲寺

山行遇風晚宿湖村張一山庄

甲辰重陽同陳羽伯劉伯鄰吳峻伯俞

樹德王新甫登宣武城樓分得筵字

九日送齊鷹山歸金陵

是日送友再集顧氏山亭有感

九日得俞樹德姑蘇書寄懷吳峻伯

公餘漫稿目錄  
秋日送馬孟河乞養南歸

季秋倍祀 長陵恭紀二首

九龍池

端陽日送朱鎮山終制南歸寄訊陳羽

伯

將赴皖城夜宿慈仁寺留別西曹諸友

趙州初度

惠泉別館侍宴黃四泉侍御即事

聞鞏縣守臣秋祀宋陵有感

次真咀勿遇 聖節即老親壽日有感

題尋源劉翁迎養逢恩卷

泛湖

癸卯初度次壽陽別從兄遜甫

慈仁寺夢王新甫 有 附敬所寄荅三絕

甲寅重陽寓大梁偕地部張壽卿登西

亭宗人山亭識感

許三海都閩副守興都詩以贈別兼訊

紀山曹侍御年丈



題鳳誥重封卷壽蘇母

再賦往事留別平泉

乙卯重陽出師黃浦雨中識感

丙辰上九日青村雨中即事

春日清洋江舟行聞報 上賜金幣識

感寄上江村沈寅丈

丙辰夏日予奉妣視避暑黎陽馮少洲

將赴關中期盧浮丘謝四溟二山人

來會詩以迓之

冬夜宴山陰藩王元峯壽峯昆玉別館

時地變次年

春日再集即事

贈賈月峯赴肅藩左史賈君昔令黃邑

貳麗江有聲

地變後初度憇宿棲岩寺識感

秋日聞浙東驚報寄懷霽寰吳丈

秋日過裴介峪大守孟盟橋莊即事

雪夜侍宴周海庄齶臺次韻

冬日景明李氏山莊即事

邈姑射山水亭

過平遙吊故友滄州幕李東溪

平陽龍門王郡伯期宴公署池亭同遊

姑射山不遇詩以見懷

次高平挽張望峯侍御

己未春將赴秦臬都門曉發

次新樂再別伯兄對川外翰

挽歌三章哭金陵陳羽伯

有序

中秋寓宿溫泉郵亭楊鍾山原倡

七夕阻雨羈溫泉郵亭觀漲次鍾山前

韻

即日登鍾山戍樓

秋日蕭南峯都督邀過楊鍾山別圃宴

菊即席賦謝

秋日中丞嘉嶺董翁召過草堂宴菊即

席賦謝

謁黃帝陵廟讀仙人張三丰留題旋登

漢武望仙臺紀事

庚申元日鄜川即事

庚申至日次涼州安國鎮詠易識感

三川谷口讀杜工部題刻識感有序

王子三歲中秋寓延防胡未申連逢月

蝕酉歲大比月明虜遁喜賦

辛酉九日邀蕭南峯李西菴叅戎揚兩

川地曹登嘉嶺范公臺時董中丞新

逝予適轉官追念今昔感賦識別

送東海行菴陳大叅自秦藩入賀便

道歸省

再祀吳山壻與舊題識感

寧州別定西尔一律有序

將赴大梁次八扶風雨飲張大微憲使別

墅期盍屋二趙尋齋中丞不至識別壽

二母夏臺九日紀興

秋日寄懷淮海孫寅丈

夏臺葺故花亭為賓館扁曰廣忠軒落

成喜賦

乙丑至日得張元洲長安寄言時張自  
秦撫臺遷大廷尉復賀一首 有序

秋日巡邊次花馬池營得軍門陳行菴  
翁傳徵戒師即事賦贈

與陳翁話舊識感

九月六日歸渡靈武感時喜賦

丁卯初度思翁軍門以希范學陸為壽  
深愧匪倫賦謝一律

即日延門人蕭春元索中丞楊鍾山翁

贈言遠馳為壽賦謝見懷

將發夏城留別父老識感

贈別楊舉子文伯見過原州兼訊  
尊翁鍾山中丞年丈

戊辰中秋長城關偕蕭地部張兵憲對  
月識感

塞上秋夜紀夢識感

戊辰九日偕蕭地部方張二憲使登長  
城關戍樓即事

戊辰十月七日塞上班師紀行

自嘆

己巳中秋再同蕭地部曹右轄方憲使  
長城對月

中秋夜聞南海龐惺菴臺長弭節鐵柱  
泉城時海寇報平詩代慶迓

九日再同蕭地部張憲使偕呂雷二總  
戎宴長城關次日重登朔方書院文  
星臺時早雪殞菊虜窺河防兼聞薊

卷五

五言絕句

春山曉行

泮池桃花

七言絕句

延州閱武五首

中部道中春雪四絕

景明李庄即事四絕

絳雪亭即事贈別主人芹谷呂文

公餘漫稿卷之一

河中鑑川王崇古著

五言古詩

送吳霽寰歸江南二首

鴻鴈思南國，翱翔返故林。  
徘徊戀舊侶，向風長哀吟。  
况我同心友，別離忽商參。  
蘭芳一分携，零淚沾衣襟。  
之子遡大江，越鳥多好音。  
望望不可見，悠悠隔山岑。  
恨無凌風翼，何以慰我心。  
悠悠春已暮，長風吹遠天。  
河橋楊柳色，與子暫

留連別酒莫辭醉去去即言旋念我平生親三  
五隔風煙豈無長相思遠道不可傳願君重令  
德相期以百年

中秋十九夜同紀山曹侍御省寮張弘齋  
王敬所造松菴上人慈仁寺松下對月分

得露字

秋色佳有餘令節候已度愛爾禪關月共坐空  
山暮暝色在西林浮光生海樹河漢湛碧波關  
山開紫霧淒淒落桂英杳忽缺蟾兔鈴閣響清

風蒼松凝玉露徘徊步前除蕭然豁幽趣聚散  
渾未期悔明豈常數荆門子建歸 帝里張華  
賦子猷逸興多遠公忘去住與子各參商良娛  
應難屢與 欲忘言彷彿有真悟

送李諫議赴南都四首 有序

李子之南也都人士咸重之王子敬所  
語之詳矣予惟人生斯世君臣父子朋  
友分均人倫李子得 請而南匪徒明  
於出處已也將迎養以篤恩效忠以盡

五言古詩  
義人倫厚矣若輩不能勉忠信以成之  
而顧戀戀於離別之際友道非耶王子  
倡之用和其言以道其行

蕭蕭秋已暮玉衡屈應鍾遠水落霜濤蒹葭亂  
晚紅美人懷南國涉江采芙蓉暫辭五鳳樓言  
訪六朝宮豈不爲國憂私心正忡忡

悠悠潞河水泛泛南行舟帆檣何紛紜終歲自  
沉浮去去隨鴻雁歸來驚白鷗中有乘槎人天  
漢恣遨遊朝渡鳩鵲橋暮宿白鷺洲人生貴適

志張翰復何求

金陵本

皇都江山互襟帶

形勝冠東南佳麗連吳會星垣列百司朝市擁  
冠蓋萬歲駐龍旂千秋長松檜中有鳳凰臺鳳  
鳴時噦噦願言達聖聰寰宇開蒙昧

江左多僊山姑峯稱獨奇靈泉泄銀河古洞披  
琉璃仙御時往還丹砂授英者方平注玄酒麻  
姑贈瓊卮之子欲從之延佇隔路岐寧辭近日  
暄來獻南山芝人生有真樂端不爲爾移

離亭在都門垂楊生古道中有別離人清樽共



五言古詩  
公餘  
傾倒嚴霜薄征裘日暮空禽噪風塵亂離思驪  
歌發商調努力愛歲寒相思在忠告

擬古二首送王敬所寅丈督學桂林

行行重行行與君辭 帝里戀闕有餘情懷人  
常歎息瞻彼白雲司森森秀雙栢種竹學鳳鳴  
開軒廠幽側與子共遊宴三載如一日一別一  
悲辛再別成蕭索豈無君子居爾我獨行邁恨  
非栢與竹托生共根蒂願言比清節百歲還相  
待

行行重行行喜君還故鄉君去淞江東我下行  
山陽江山限南北由來各異方歸途幾千里斯  
須成參商君將赴桂林我已守江湄三花有餘  
芳六事良自知努力自茲始莫負平生期

初渡淮

我本河中人來向淮南渡河淮今同歸人生豈  
異路丈夫志四方遊子悲鄉故去住情亦殊聚  
散紛世務莊生戾濠梁尼父厄淮寓聖賢自有  
真窮達安所過去去欲忘言虛舟渺何處

贈雁蕩山人歸永嘉

海上有名山天台共清絕靈泉泄龍湫奇峯擁  
旌節中有耽幽人結廬在巖穴著書滿荆筍行  
吟臥松雪披褐入卜國賦就揚雲蜺厭作長安  
遊甘爲沮溺潔烟霞尋舊侶泛舟歸湖浙秋風  
吹布袍飄飄空百結望望不可攀惆悵難爲別

蓼花有序

庚申之秋王子再寓延署蓼花充砌青  
紫紛披爛可觀玩早後青螟遍生枝葉

浹旬盡枯死豈水陸之異植抑物性解  
相妬耶詩以紀異比興風人

昔聞蓼花洲忽寓蓼花署華葉凝露姿繁萼揚  
赤絮余志在滄洲對月時一豫蜻蜓豈性生薄  
蝕何匆遽隱見情異托榮枯紛所遇何當事垂  
綸維釣碧灘處共爾傲清秋遠害占衣袂

送橫泉雷丈還衡州二首

橫泉謝秦藩叅知政事將歸衡州兩臺  
諸寅丈惜其去時携樽爲慰君不勝杯

酌客有歌人生有酒不盡歡別後相思  
復何益勸進者兩城斬公因分韻爲別  
得別字

長安有岐路夙昔傷離別岐路多傾仄離別紛  
往轍達人一笑輕良朋百縷結與歸借所適惜  
去懷明哲心期如可同百歲瞻高節

車馬春明門春暮送人別春風吹楊柳柔絲正  
堪折垂楊夾古道南望江楚絕江南多桂種麻  
姑正者耄雷君有歸客遂相從組綬良不屑行

行遵廣路楊花白於雪

淮海吟題號圖贈淮海孫寅丈

君先世自  
如臯宦貴

陽振宗奕業篤念首丘別號淮海職秦臬  
文宗與予篤嘗索河中宗人大石爲淮海  
圖賦贈  
四首

清淮出桐栢源流本澄澈朝宗入南海瀆匯何  
蕩跌大河度龍門故道東南折奔激赴淮浦淮  
流失故潔就下性攸同海舍忘區別知者情樂  
水仁孝懷故穴仁知本性靈得意成愉悅淮海  
爲襟期凌虛振高節

名都帶淮水南擁海門潮巨川華百靈豪華振  
六朝流裔代雨散高門木惟喬貴陽托靈根遐  
域樹英標眷茲淮海丘永言思遺祧採蘭布清  
芬種桂蔭芳苗膏澤滋栽培百祀慶彌饒  
淮海稱大川達人夙利涉浩蕩神與遊沉淵道  
心愜遭時薄乘桴濟世爲舟楫文瀾渙餘波潤  
澤流宦業吾志偶與同空明鑑中怯道岸如可  
登期君共攀躡

憶昔泛淮海風波何洪宏鯨鯢衝濤起白日慘  
無晶未逢淮海翁愁聞海氣鯨十年驅蛟螭淮  
海安流平何當共仙舟浮淮遊南溟洗兵淮浦  
深浴日滄波明沽酒維揚市放歌淮陰城庇覆  
謝明主江海頌澄清

伏日同張元洲方伯孫龍峯憲使飲太華  
何公池亭觀蓮分得賞池二字

名都勝古蹟芳池稱漭沆昆明變桑田景龍餘  
榛莽采蓮有遺曲泛舟虛鳴榜有美何休翁卜  
築追昔蔣芳樹翳炎暉清波浸沃壤垂絲揚綠

五言古詩  
卷之二  
紋浮香散幽敞避暑薄河朔邀賓擬西灑蓮芳  
襲人衣荷珠傾露掌浮沉絕萍藻碧澄含深廣  
主人結玄亭凌虛披蘿幌而我愛君子適意恣  
歡賞長風終南來悠悠氣何爽開襟納晚涼滄  
浪起遐想

太華雄西極名賢共崎嶇孤高凌四岳靈秀開  
王基歷世多俊髦明時誕英者成功勒麒麟  
歸與狎鹿麋行樂追古俠攬勝邁習池四時麗  
園芳三伏却暑逢雨過滋青芬風回散陸離竹

陰鳳毛長蓮分玉井奇飄然謝囂紛眷言戀  
彤墀匪徒懷主恩夙抱民窮悲慚予牽簿書  
未覩平康期招携隨杖屨畎畝同憂思何當召  
謝傅一夕起瘡痍願言祝壽考華峯友希夷

田父嘆

乙丑秋夏鎮巡邊作

驅車歷夏郊秋暘正皜皜遵彼漢唐渠流澤何  
浩渺高卑相原隰溝澮互環繞閘壩時起閉壅  
泄功施巧河決隄泮傾禁弛滋貪狡乘春戒脩  
防灌溉及秋杪時和霜落遲九月熟晚稻方忻

五言古詩  
公餘偶高吟  
歲事豐悠悠感穹昊日暮濟河梁夾河泣父老  
指顧沿河屯一望漲行潦河西田埂沒青苗變  
水藻河東墾沙田夏旱黍半槁二麥幸登場秋  
霍間傷澇隔壠異豐歉比鄰共憂情公家急芻  
餉輸積戒不早有子三四人諸孫咸少小長男  
戍薊門二子守邊保胡虜時憑陵生死安自保  
幼男方長成屯田供兄嫂老夫輓糧車諸婦刈  
秋草不願衣食饒惟願免苦拷俗忌多生男男  
多增煩惱堂下千里隔民瘼難具道予志在安

攘聽之傷懷抱豐歲已百艱凶年轉餓殍撫邊  
無良策仁民古所寶草奏乞皇仁寬徭勤  
恤犒坐令獫狁襄列鎮謝征討再頌濁河清窮  
邊歌熙皞

大河吟西夏作

大河西南來源海泄星宿伏見經胡天蕃夷界  
河右湧入積石關濟濤幾回渡一曲下臯蘭再  
曲轉北顧環帶朔方軍胡馬滋飲漱南旋下壺  
口五曲經雷首予本龍門裔家世河中路幼懷

望洋心夙負臨淵懼早歲訪河汾世業思馳務  
中說有遺編丘隴無餘實及壯渡孟津獻策青  
雲附分符過延津皖汝曳黃綬溯流下江淮入  
海嗟非故返棹浮呂梁徐沛鯨波怒歸沿太行  
顛首陽返故步奮起越蒲津十載經三輔涇渭  
每窮源滄灞時馮渡遠遊濟靈武夾河戒烽堠  
胡營據河灣駝馬牧山後惜哉禹跡熄有美唐  
功厚開渠引餘波千家資耕耨鑿冰列凍垣胡  
騎絕馳驟澆沃夏國田壅泄蘭山秀逝者今古

同經涉紛所遇何當陟崑崙直探銀河注一挽  
桴海情頓謝乘槎繆千載頌河清永絕河邊戍

寄懷壚山張學憲四首有序

壚山君守蒲三載多惠政政暇輒賦詩  
累數百首憂憤宕蕩追古作者貽我雅  
音思報瓊瑤未遑也客有失意歸滇南  
者善賦詩將造壚山結詩社附寄四章

聊瀉遠思

壚山復何處香爐渺紫烟孤高插蒼冥奇麗擁

青蓮紆回多奇姿芳潤泄靈泉主人愛山水仰  
止恣流連題詩遍岩石著書續章玄浩歌壚山  
謠瀑布飛潺湲望望不可見惆悵西南天  
客從壚山來謁 帝承明廬手持青玉尺上鈐  
天吏符量度天孫錦爛熳照天衢詩成追曲江  
賦就比相如榮枯任推遷尺寸信不逾文章足  
華國努力永終譽

茂先有雄劔金襄輝玉鈕神物自有合飛騰偕  
良偶一揮塵寰清再携蛟龍吼美人佩雙劔光

銚射牛斗

華實勉中孚立言期不朽

張敞昔爲郡政成卅鳳翔有美河中守化洽薰  
風颺循良傳青史弦誦留虞鄉父母頌孔邇甘  
棠鬱成行千丈標文峯百堞奠城隍關河存盛  
槩股肱復舜邦雷首清風遺大河流澤長何以  
慰我思勒銘在首陽

蒲故舜都有薰風臺弦誦  
里峨嵋原唐建浮屠甚巍

占者爲文峯也洎城堞地震  
胥傾君克修復故賦及之

磻溪宮期周吳峯年丈不至詩以識別

渭濱懷古蹟磻溪訪遺釣遙遙望吳山五峯含



夕照我友宗周喬風駕侍清廟永懷吳山居時  
倚渭濱棹眷茲同袍親戀別躬携召雷雨從西  
來白日失光曜彷彿見飛熊飄忽列玄竅停驂  
望行雲憑高舒遠眺不見吳山人誰共磻溪釣  
我有吳山謠期君與同調願君愛景光百歲同  
舒笑

題圮橋進履圖爲潘雙渠翁壽

仙人薄世味無忘濟世心大道忌言筌微言授  
知音秦鹿方兢逐世代何陸沉子房未龍選圮

腕韓仇深擊秦博浪沙豪俠空自任惜非皇王  
畧虛負勇知身黃石有素書天命授哲人圮橋  
勉進履王佐自有真大平翊炎漢穢德洗亡秦  
天心慰悔禍留侯道由尊晚從赤松遊日與黃  
石鄰千古傳遺帙孰非經世箴潘翁今仙侶卷  
舒恊屈伸高堂開畫圖披閱愜冲襟焚香讀素  
書得意仙可尋會看雙渠上彷彿圮橋津

公餘漫稿卷之二

七言古詩

長安行送孟小溪赴秦臬

君從長安歸去向長安路身服初辭五鳳樓旌  
旗遙指三秦樹三秦自古帝王都百二山河天  
府固西來烽火未全銷關隴頻年多遠戍使君  
自負安邊策攬轡入關持憲度長安喜見黑頭  
翁父老歡迎黃河渡黃河一曲沒胡天幾見匈  
奴入漢邊太平天子事興復好取芳勳勒燕

然

金陵客行送陳玉泉赴江泉

金陵有客陳伯玉二十聲名世共傳文章不作  
六朝語詞賦還期屈賈前三十挾策入長安玉  
堂金馬俟傳宣不堪世路多傾側鳳羽誰憐棲  
枳棘宛比漳南滯使車梁園洛社留顏色太平  
天子重廉平特召名賢副法卿吏情爲愛白雲  
署高調時聞大雅聲我生亦何幸論交雷與陳  
相期每不淺叙此平生親交深重離別河柳那

堪折長風吹客帆望望情中結大江遶出豫章  
東勝地常遺帝子宮遙想霜旌行縣日應躡匡  
廬第一峯

秋風行送劉帶川分憲榆林

秋風蕭蕭塞草長胡馬來嘶邊塵黃將軍五道  
催出師節使三河輓藟糧頻年戰骨未曾收居  
者勞勞戍者愁驕虜秋高時寇邊西風一動勞  
宸憂君才原是長城器萬里榆關堪展驥坐令  
青海箭無傳漫道天山稱絕技臨風送子不勝

情十年滄海嘆浮生君歸好向高堂別爲道  
朝廷重用兵

寶玉篇送張玉亭錄囚淮揚

蕭然之山有僊客昔泛星槎過斗邊拾取上方  
支機石瑩瑩華玉日生煙頻年置之娥江亭爲  
愛幽真湛性靈一朝光彩照人間飾爾瑚璉薦  
帝廷文章不數崑山價貴重爭傳百寶籍頓令  
秦龜無顏色始信江亭空照夜主人持此荅  
明時却笑當年楚荆兒留取生平人似玉何須

山下淚成濡行看抱玉下淮陽爲奉 天威劔  
拂霜好語桃源舊鶴侶清朝應不負仙郎

採蘭歌通濟河亭送陶同野徐近齋龍川  
三友錄囚兩畿

秋日水亭蘭葉長送客臨流酒盈觴西風在道  
蟬在揚採蘭相贈餘馨香請君聽我歌鳴榔商  
聲未發別思翔憶昔投簪各異方幾年畫省日  
相將運甓陶侃志 廟廊南州徐幹比鸞凰一  
朝出使各參商爲奉 天威劔拂霜燕冀江淮

皆 帝鄉太平 天子重刑祥行行佩我幽蘭  
芳法星昨夜生輝光

襄陽太守行送社長盧連城出守

襄陽太守姚江傑朝辭 承明過東浙黑頭朱  
幡照路衢熊車踏遍燕山雪憶昔分曹秋省垣  
芝蘭芳社歡同結三五列時賢矢言追往哲交  
深醉醇醪詩成散玉屑歲暮風塵忽相送梅花  
未發長河凍寒江鴈日見歸鴻荆山春早看樓  
鳳進君酒聽我歌襄陽風日今如何習家臺池

半塵土鹿門煙月還藤蘿詞客宅空甘井竭隆  
中龍起苔痕多風流往事增感慨惟有峴山古  
碑常不磨願君如山立澤流漢江波路難君莫  
辭別離君莫悲丈夫志四方壯心還自知况復  
出守當雄郡荆蜀宛洛屬襟期太平無事此地  
閑平生經略當在茲日暮悲風發長分玉樹枝  
努力愛歲寒慰此長相思

別離難 有序

家兄對川蚤負才名濩落不偶甲辰秋

送老親至都西曹諸友重其誼賦詩贈  
別凡若干首心二年丙午秋兄復落第  
來壽老 祝將登岱嶽以歸某感聚晤之  
難而別離之數也爰述往事用道難棕  
別離難長安九月秋風寒秋風吹落薊門柳離  
人對之催肺肝憶昔辭家事遠遊昆弟送我喟  
山頭相看一盃未及飲離魂欲斷雙淚流歸來  
伯仲不相待舊業惟餘我兄在翻思祖德遠貽  
謀寥落家門增感慨丈夫不遇緣數奇我兄五

十猶布衣著書高卧河汾墅行吟甘茹首陽薇  
三年抱玉遊京國爲憐骨肉遙相憶征鴻幾度  
復南還渺渺長空動秋色人生出處會有時我  
兄晚成當在茲遊經萬里同司馬賦就三都見  
左思今朝把酒送兄歸愁見鵲鴿原上飛念我  
遲徊留 帝里思兄何日到庭闈清霜匹馬行  
山路孤舟涼月黃河渡吁嗟此別不勝情離歌  
欲歇白日暮

乙卯九日出師黃浦舟中讀吳峻伯湖上

寄言

憶昔同登燕市臺黃花綠酒怕徘徊興來共期  
吳中遊江天海月思悠悠天涯一別數千里歲  
序蹉跎驚逝水晉雲吳鴈幾牽思世路風波非  
故時君歌蓼莪卧空山我奉兵符下江關方思  
握手竹山樓詎意風煙遍芳洲三吳凋謝已堪  
憐五月南征未擬還有時出師江之陰白頭父  
老懷君恩峻伯昔令江陰有時夜泊寒山寺緇衣衲子  
談往事信知人生真有緣芳塵學步非空言峻伯

大人若溪公昔任刑曹視部草後守皖城最余  
與峻伯復同官同事尋出守皖留別峻伯詩有  
有緣步芳塵之句今  
至江陰又驗瞿云多君惠我雙鯉魚開緘如

見君昆玉讀之使我雙淚流湖天漠漠湖山秋  
揮戈為掃湖上塵洞庭山北陣如雲移師欲傍  
海門去黃浦黃花漫相遇悲秋懷人倍慘神登  
高作賦那堪論男兒莫志覓封侯忍看白骨如  
山丘何時海宇不揚波與子登高且浩歌

劉仙歌壽徐定國

阿老生來不計年霓服輝煌弄月蟬頭蓬瑩萬

七言古詩  
竅赤脚躡三天瓠中一粒乾坤小袖裡雙風海  
嶽翻雲遊謁 聖帝來降上公筵公家邸第連  
蓬島弘開壽域早秋前瑤花舒爛熳瑞鶴舞翩  
躚月精露華浮玉笋交梨火棗羅瓊筵上公此  
日當初度蚪髯黑髮映朱顏忠誠真定國勲業  
舊開山稱觴來七貴祝壽列群仙王母早瞻翠  
鸞駕劉郎遣贈蟠桃鮮高垂寶籙祝國壽願享  
昌期五百年

松菴行壽夢松上人

君不見見許由種松當巖穴卿雲擁戶凝冰雪又  
不見仇生石室伴古松松脂入口壽千齡詩稱  
獻壽歌松栢由來禪室背青松上人已悟芳蓮  
境長松寶樹頻入夢手植苓根不計年亭亭黛  
色傲歲寒玉樹含風細金池映月圓已見松門  
開壽域况逢秋氣相新鮮靈花萬種發鸞嶺花  
雨千絲散法筵朝簪多貴客此日扣雲菴共酌  
松脂醞同食松花團即有伏龜來獻壽竟看玄  
鶴舞翩翩禪家樂事真如許假寐松前不知處



夢迴已破三千界人間甲子應難數

擬古行路難留別吳子實因寄王新甫二

文宗 有序

子實新甫與予有十年道義之雅既予  
飭兵江南二子各典文衡服列省踪跡  
漸疎丙辰仲夏予奉妣視歸自江南子  
實遲我清陽河澣出新甫論學之寄相  
確至夜分共念時艱深惜同志不同事  
若不相為謀者別後遣使持詩追送因

索予言戚中不能為聲律之作漫賦一  
曲用識不忘

昔人常歌行路難危途巉巖不可攀有時重賦  
別離苦捲帷望月空長嘆吁嗟乎世路交情今  
古同人生何必嘗慣經高歌遺曲涕沾臆幾見  
浮雲陰復晴憶昔同為西省遊白雲樓迥紅塵  
收三五論交多義氣勁節憑陵公與侯一朝烽  
火遍燕山豺虎縱橫出漢關黃金散盡壯士死  
坐令列鎮日摧殘宵旰獨懸 明主憂乾坤正

氣慘欲收鯨波熬浪遍滄海江南佳麗成荒丘  
君爲維揚守我御毘陵軍澄清江海空懸赤飄  
泊風濤誰與親有時拔劍夜起舞思斷潛蛟馘  
市虎有時擊楫江中流苦調翻令聽者愁愈信  
人生行路難平波日夕生狂瀾思君欲寄相思  
曲蒹葭無地覓芳玉不堪萱草忽凋傷落魄歸  
來幾戰場瓜渚維揚非故時腥風浙浙江雲黃  
清平驛路再逢君回首南雲欲斷魂幸有斯文  
維世運恨無雙翼扣關萬里隔塵世霧

霧間時日將霽佇看吾道耀中天再聽鐸音啓  
蒙昧知君才名世所稀文章泰嶽瞻巍巍好從  
洙泗溯淵源莫向齊東思與歸江左昔逢王子  
猷寄言眼底無全牛憑君若道脩文事海內而  
今總虛舟

長歌行送楊鍾山年丈北上

君不見關西夫子楊伯起凜凜清風垂漢史又  
不見建安才人楊德祖蔚蔚文章光黻黼吁嗟  
乎文章節義世所欽三秦楊氏歷世多朝簪狄

青未湏祖梁國使君奮乎百世嗣徽音憶昔同  
看上苑花 承明射策爛錦葩念年濩落今無  
幾高才直道真堪嗟君才初試羨登瀛上林作  
賦擬瓊英十年瑣闥稱名諫諫草回天誇鳳鳴  
一朝參知東藩政金紫榮 親歡具慶憐予落  
魄走南北風木悲深獨伶俜燕臺梵宇再逢君  
把袂論心嘆世紛君持憲節歸岱岳我濫熊章  
下汝濱瞻雲依閭不勝情晉水秦山幾淚傾男  
兒顯親思報 主相期努力奏昇平延州自古

雄邊鎮鍾山鼎峙龍溪潤韓范遺踪尚可尋諸  
楊世業今湏振臨川相送雨濕衣爲霖爲楫願  
莫違好挽狂瀾屬清渭大開雰霧浴暘暉君兮  
君兮好自愛彈劔高歌何慷慨君嘗著劔歌  
逸興激發秋  
風萬里任扶搖會建芳勲勒鼎鼐

關山月送東河趙年丈擢憲東海

君不見關山月歲歲秋旻光皎潔遊子天涯怨  
別離征人馬上傷圓缺千年心月幾人同西河  
今見東河翁廣寒玉宇屬襟期凌雲踏月御長

風憶昔同登鴛鴦班待漏趨朝瞻 聖顏永禧  
宮前祝 萬壽月恒川至頌千官十年萍跡各  
西東冀北江南轉戰空克國已報安邊績松雪  
爭傳詞翰名綏州雨霽秋光好對月清尊共傾  
倒君行如上蓬萊閣應念關山月正皓

吳山謠

嘉靖辛酉秋中丞裴公登祀吳山賦詩  
寄予期續盛遊羈栖歲暮便訪名山孤  
高猶存蒼翠索然非故矣翻悟人生登

覽有時山川光景無定長歌識感爲報  
山靈

中丞肅祀吳山陰寄我吳山窈窕吟寤寐岩崑  
一仰止爲探幽竒寄玄心努力登臨歲云暮蒼  
翠欲歇迥烟霧梧桐枝老巢鳳歸蛟龍深壑靈  
湫沍淩風思上鎮西頂西望瑤池東蒼溟萬點  
蜀山羅兒孫三峯華岳峙列鼎香爐五老空絕  
竒巫峯十二共巍嶷  
吳山十二峯五峯大賢鎮西會仙最高得名大  
賢雲際擁青蓮會仙松老憇安期猿啼虎嘯那

堪聞寒飈忽動暮靄曛前溪後溪拖素練千山  
萬山封白雲浩歌歸來夜正寂仙籟忽聞調玉  
笛夢裡烟霞迷去踪悟驚鸞鶴聲寥歷人生尋  
樂會有時少壯豪遊愜所思莫待衰遲共歲寒  
孤負芳春青山姿

遊崆峒山行

大古名傳崆峒山遙瞻華岳巨蕭關六盤秦壠  
共嵯峨竒峯突兀插金天昔有廣成子修真娛  
無始鍊藥峒山中黃帝傳玄旨鼎湖蒼龍去不

還

山玄鶴翔人間茫茫十萬八千載直從扶

桑木恣翩躚我來謁帝橋陵宮聞說仙人張

三日落題詩帝座側月明跨鶴遊崆峒仙踪

不可攀仙路尚可躡努力訪名山來扣長生訣

問道宮遺澗水濱廣成洞鎖香山岑丹梯直上

天門近玉宇高懸摩斗參開闔千峯指顧間飛

湍仙籟隔塵寰王母迴山綵雲近老子高臺紫

氣連天風吹人毛骨清聳身飛墮出瑤京坐邀

赤松子訂我碧山盟羣仙去兮渺難見玄鶴忽

來如飛電蒼精凝背玉爲腹龜紋繞足丹砂弁  
穩翅青冥恰御仙旋向空亭如有緣石髓松脂  
看乳子乘雲服氣羨長年須臾日落千山冥洞  
口鶴歸烟霞迥長揖山靈帶月歸夢竟飛度中  
峯頂

玄鶴行聞鑑川王子登崆峒山見玄鶴余

心慕焉爲賦此篇

喬三石著

我聞崆峒山上有古僊庭中有玄鶴棲洞冥時  
復乘風遊太清玄鶴饑食玉田禾渴飲甘露精

千年色始玄天地同長生我思玄鶴不可見側  
望崆峒祇長嘆君上崆峒問道臺天風忽送玄  
鶴來舉手招玄鶴劃然天宇開四海一杯水五  
嶽等浮埃此時意興超八極下視人世何有哉  
自謂生平此竒遇胡不即跨玄鶴去來徃蓬丘  
渺烟霧日與群僊共嬉娛胡爲日暮空歸來回  
首玄鶴復何處我亦十年慕廣成白雲常繫帝  
鄉情聞此令予意超忽若有烟霞平地生又若  
毛羽使身輕宛坐仙臺上逍遙指玉京玄鶴冉

七言古詩  
公食漫稿卷三  
三  
再來仙迎上有羽蓋下雲輶幾時見此玄鶴羽  
蓋與雲輶與君同賦昇天行

椿萱並秀歌壽霍中丞父八禩 有序

中丞思齋霍翁撫西夏之三載歲屆庚  
申上元辛巳適 封君翁岳降之辰維  
時 大夫人俱慶在堂公羈王事未克  
奉卮爲壽捧檄情深瞻雲望切屬有繪  
椿萱並秀圖以獻者翁將馳上高堂爲  
娛王子與翁叨同晉書分均猶子聞而

樂之敬述俚言用效三祝

君不見海上靈椿不計年玄根盤地色參天春  
秋一萬八千載直與扶桑析木同鮮妍又不見  
阿母瑤池合歡草鵠觜綠茸開蓬島奇花綉佩  
兒女蕃園中萬卉空顏好昔也莊周賦大椿爲  
祝上壽樂長春國風詠願得萱草爰樹北堂亡  
憂消由來親壽擬椿萱共喜榮華愛日暄雙壽  
齊眉世所稀况逢佳節屬上元鰲山華燭照汾  
陽古幹靈葩映壽觴仙草時沾新雨露靈椿偏

傲歲風霜鶴舞翩翩叩玉勅鹿鳴呦呦服雲軾  
坐瞻南極擁群仙大藥蟠桃供餐食高堂樂事  
許誰同孝義名卿邁古風中丞已著安邊績俱  
慶應錫福壽隆賀蘭烽熄黃河清霍山永鎮汾  
水平椿兮千年蕃桂種萱兮百本蔭瓊英忠孝  
應期 聖主知鸞書指日下彤墀還朝舞綵稱  
觴處 君親共祝八千期

長安別歌送兩城靳先生考績便道歸省  
長安陌上遍芳草長安城邊泣父老芳草無情

送使車父老悲歌何煩惱使君去兮何時還青  
門路渺車難攀桃李成蹊憶君栽棣棠陰滿留  
君顏君侯忍別將何之報績 彤庭翊昌時念  
年經畧滿秦晉士坐春風民康居我來五載依  
明德飲我醇醪醉胃臆百歲將期共歲寒一朝  
悵別長嘆息君歸濟陽我留秦相思千里參與  
辰渭水朝看楊柳青函關暮擁白雲屯遙瞻泰  
宗廕靈樹君有老親八俱安期共獻長生賦君行績最  
拜泥封奕世歡承新雨露知君感恩思報 主



會取芳勲照寰宇長安有日再逢君應憶當年  
別思苦

夢鶴行贈夢鶴田寅丈入賀

夢鶴山人田子方丹衷羽立氣昂昂前身乘雲  
遊玉京天雞威鳳共翱翔食霞芝田厭凡粒浴  
翼瑤池漱瓊漿有時三島御群仙飛鳴華表振  
高騫有時集息珠樹圃鯁仰青田色鑄玄帝  
遣仙姿振闕闕寤入塵凡結世緣靈心不改清  
虛故飛騰直上天街步濁世糝糠不受啄五岳

靈竒貪馳騫西遊崆峒呼玄朋旋向華峯飲玉  
露形隨鴛鴦振修翎神與鸞凰儀帝庭親持  
黃封祝萬壽千秋億載識儀形夢鶴子好從  
霄漢啖遐聲莫向塵寰嘆水萍

北風行送淮海孫寅文晉蜀藩叅便道歸  
省

北風淅淅霜月寒灞橋柳枝凍難攀有客凌風  
萬里還青門送客多苦顏憶昨長安共留連同  
心傾倒氣如蘭念我獨兮恤我後砭我愚兮驅

我前有時把酒對明月共披天香採桂窟興來  
嘗期五岳遊並駕芳躅遍九州何當一夕北風  
起吹散萍踪同逝水君歸五溪春正妍靈椿蔭  
覆萱草鮮綵衣稱觴祝上壽畫錦堂高蓀枝秀  
嗟予將卧首陽雲從教世事日紛紜思君時誦  
夢岳文何日於君共采芹眼前聚散乍感欣古  
來神物有合分北風再發白日曛君不可留遺  
芳芬天涯空復嘆離群

賦得昆明池贈張濟川憲使還滇南

君不見昆明池去國萬餘里西極崑崙見河源  
南入金沙窮江汜有客家住池之陽鍾奇毓秀  
氣昂昂三十挾策獻天子斗南箕北騰文光  
四十持節遊西夏蘭山大河重聲價籌邊壯志  
淨胡塵談詩徒步追陸謝持身原比玉壺冰那  
堪白壁點青蠅平生不解媚官長遠遊何意浴  
憑陵逢時誰惜濟川材落魄應憐抱玉迴季膺  
鱸葦詎所思博望扶槎祇見倩北堂萱草可忘  
憂愛日何慙畫錦遊歸路青春堪作伴倚門白

髮正盈眸卷舒在我心無愧用舍隨時中何累  
自古高才多誤身須信人生貴適意當今學士  
競談兵平蠻破虜誇縱橫老子倦翮思林集知  
君雅抱羞清纓聞道滇南近息戈五溪到處起  
夷歌君歸珍重雙南金會見昆明澄澈連銀河

靈椿五桂歌爲同門祝 尊師一泉孫翁

七禩壽

有序

翁古師也表兄也古少失慈依 舅父  
首山翁愛甥如子携古偕仲兄兩泉泊

諸生楊子憲師子儒党子元忠從

一翁遊恩義良篤旣歷一世 翁歷任

臺苑金紫歸田家食康樂孫子聯榮諸  
生仕止殊遇服訓未忘每歲中秋值

翁初度咸思稱觴爲壽參商莫遂楊子  
輩浼 宗友繪靈椿五桂圖囑古言祝

翁七禩瞻憶今昔感慨填膺放歌三祝  
情見乎詞

君不見大河西來出潼關西峙華岳東條山大

行延袤幾千里脉從雷首飲河灣 首山丈人  
家河中種德如山振華宗貴上 王孫賓藩國  
澤從銀漢分靈淙一泉源自天潢流澄深衍漾  
何悠悠遠從玄圃潤靈椿直向燕山滋桂秋此  
椿本自莊周種千年偃蓋巢翔鳳參天翳日傲  
歲寒直幹孤標植梁棟清廟岩廊正需材蓬壺  
瀛島若爲栽一朝扶抹懸高堂咫尺飄颻風雲  
開竇家五桂誰易植紅黃三種呈瑞色拱揖靈  
椿繁修枝直從月窟恣樸棧主人披圖時一笑

作者手神擅三妙老子虛擬賦莊椿兒孫學步  
燕山肖永懷日望首山雲閑情久已薄世紛琴  
鶴有緣隨杖履繁華耻與競朝曛門牆白首傳  
經客酒獻長生泛玉液將進爵賦且歌願祝靈  
椿百歲壽彌高世看桂種蔭婆娑

題方朔圖爲方伯雙渠潘翁壽

大老遐齡七十七龐眉皓齒心何逸壯歲手探  
月窟桂中年試草黃門筆松苓飽飫鑄蒼顏甘  
棠到處留陰隲壽筵喜見鹿啣芝帝遣仙郎獻

桃實

擬古北風行別夏城吳西臺元戎

北風一夜吹飛雪千里黃河凍初結胡天漠漠  
邊月白胡兒凌霜恣圍獵有時踏冰夜窺關幾  
番帶雪朝侵堞朔方老將誇孫吳平生誓志吞  
胡羯三懸虎符鎮邊城榆陽上谷稱雄傑兵家  
勝負那可期世代浮沉任磨滅李廣不封勇徒  
名充國未老策稱絕三年肩我靖朔銀九秋驅  
馳丹心竭揚兵踏破賀蘭山出奇直搗河套穴

君不見烏延山長幾千里綿亘綏銀瀉延水南  
峙橋陵奠玄宮北接長城餘秦壘嘉嶺中標玉  
芙蓉鍾峯前踞伏馴龍靈秀千年誕人傑英聲  
百代振洪鍾洪鍾原是千年器鎔鑄曾分鼎湖  
烝永鎮延山應陽律運際高賢共名世早從桂  
窟奮遐聲嗣登青瑣誇鳳鳴分藩開府遊齊晉  
金聲玉振奄雷轟知君流泝自關西清風高節  
伯起齊早辭榮祿卧鍾峯時釣延川狎鹿麕牡  
丹嶼畔春光好麗日晴雲蔭瑤草龍津溪上卧

龍庄松菊琴樽歲月長

名牡丹川龍溪皆地

運逢

泰交新甲子壽躋八荒開遐祉仙郎綵服獻霞

觴共祝靈椿千禩芳我思高朋不可見北望

鍾峯發浩嘆願君百歲壽彌減五岳遨遊忘歆

羨



